



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ Ո Ր Ո Շ ՈՒ Մ

25 հունվարի 2012 թվականի N 42 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ 2011 ԹՎԱԿԱՆԻ
ԴԵԿՏԵՄԲԵՐԻ 1-Ի N 1161-Ա ՈՐՈՇՄԱՆ ՄԵՋ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ

«Իրավական ակտերի մասին» Հայաստանի Հանրապետության օրենքի 70-րդ հոդվածի
5-րդ մասին համապատասխան՝

Հայաստանի Հանրապետության վարչապետի 2011 թվականի դեկտեմբերի 1-ի
«Եվրոպական միության Արևելյան գործընկերության շրջանակներում պետական կառավար-
ման մարմինների զարգացման համապարփակ ծրագրի ինստիտուցիոնալ բարեփոխումների
ծրագրերը հաստատելու մասին» N 1161-Ա որոշումը լրացնել հետևյալ բովանդակությամբ նոր՝
2-րդ և 3-րդ կետերով.

«2. Սույն որոշման հավելվածներով նախատեսված մարմինների ղեկավարներին՝ որոշ-
ման հավելվածներով սահմանված յուրաքանչյուր միջոցառման կատարման մասին տեղեկա-
տվությունը ներկայացնել Հայաստանի Հանրապետության էկոնոմիկայի նախարարություն՝
ըստ սահմանված ժամկետների:

3. Հայաստանի Հանրապետության էկոնոմիկայի նախարարին՝ համակարգել որոշման
հավելվածների ժամանակացույցով նախատեսված միջոցառումների իրականացման

գործընթացը, ամփոփել միջոցառումների կատարման ընթացքի մասին տեղեկատվությունը և յուրաքանչյուր վեց ամիսը մեկ անգամ ներկայացնել Հայաստանի Հանրապետության կառավարություն:»:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

2012 թ. հունվարի 25
Երևան



Տ. ՍԱՐԳՍՅԱՆ